

西
冷
河
寒
集

江
燕
何
冰
楮
上



04480 ✓

天 津 特 別 市
市 立 第 二 圖 書 館
04480



天津特別市市立第二圖書館 28-10.5,000

王冷甫集

許咸題

同治甲戌
四月築成

明籍籍跡於金石之間

香山洛社為極盛若夫銷寒

之有念不知所自於時凡行於

也今固不矣為文字飲也而更

唱造味哀然成集者亦不時有

予以故交恒勤研習抒性情

一

君子道有取焉其賢於此竹

管經六博蹋踴遠乎乃世

有官事拘親墨者繼以飲酒

賦詩為戒而此竹管經六博蹋

踴反垂有慶何邪明乎世

所樂在彼而不在此也管同治

丁卯春夏向余借薛耐農王
芾南耕具諸君結泖舫吟社
半月一會必有詩示禁且以刻
實自任取不及半載或遠官
或遠陶甚有化者易物者而足奉
遂得社之不易利自後社交

二

幾舊雨不來欲望待社之中興
尚不可得于是道學舊會之
難常而吾之衰之已甚矣今年
春申州白沙溪方之以年未至申
西冷銷官集示余道少點典
賞園嚴從南忠倉王勉之旌往

江煉冊祠城胡杏孫上充梅鏡
員江浦韓董萊隨州鄧雲泉
錢石沈公衍九子之兩作也在合
者尚有數人不必盡錄待之有
解時而不及為者故所存以此
少溪復使余持擇之乃為法其

三

十之二三共乃以五年首遂幾
於無篇不工而在台人不遠矣
然決其難入仕途者多職守是
以不廢此事耳彼以簿中錢
穀櫻其合靈者又安能從容
暇豫如斯哉向令女少親將復

嘗見是會而秋珊謫身遠在赤
木角在杏孫子有詩門之役社
中收夏六謝寧多。吾知特是編
而不解。子合昔取散。感也已
同治十二年歲次癸酉六月日
無錫秦孫軍序

四

是叙成後少溪將授缺梓在社合
正病死。叔勉之。先往。里上。後復
念遂不終。則且有存。止。其不但
取散。靡常而已。其秋珊毅然。是
刻。少歎有靈。其無幾為之
一耐。甲戌。夏。孫軍。序。

同治辛未余由閩改官來浙歲暮閒暇與諸同人結吟社迭爲賓主相得甚歡壬申冬復聯前約社中人有因公他往者亦有後來入社者良朋契合觴詠流連篇什日多大都一時適性之作原不足爲外人道也夫人生聚散何常仕路遷移靡定古人追述舊游矇言勝會今昔有同情焉於是諸君共議按各會所作序齒分年次第錄之題曰西泠消寒集就正於

秦澹如都轉重加刪汰并蒙賁以弁言遂付手民以代傳寫他日境雖改而情不殊人或離而詩則合展卷披

西泠消寒集

序

吟無異一室晤對况於風塵奔走中有此逸響亦勝地朋簪之佳話也癸酉仲冬河內白驥良識

消寒詩會者同治辛未余與梅君鷺臣首倡之王申鷺
臣遠役白君少溪與余復倡之癸酉春余亦遠役少溪
遂擬舉兩年所得之詩彙抄付梓乃貧病纏綿迄半載
未藏事是冬少溪又邀李君水署錢君子奇復倡是舉
未竟而少溪已牀褥沉綿至甲戌人日竟不起矣三月
余來杭又聞會中王君勉之亦逝既皆作詩弔之因求
少溪所輯之消寒集者乃寄存錢李二君處爰索回亟
登諸板以竟少溪未竟之志因念人生寒暑代謝友朋
之間死生離別原難預定誠不料十數日間詞人并隕

西泠消寒集

序

二

有如是之速也悲夫刻竣識數語於末甲戌仲夏旌德
江順詒

同人姓氏錄

黃岡嚴以幹筱南

太倉王仰曾勉之

旌德江順詒秋珊

河內白驥良少溪

桐城胡嗣福杏蓀

上元梅振宗鷺臣

江浦韓聞南薰來

隨州鄧之鏌雲泉

西泠消寒集

姓氏

錢塘沈晉蕃公衍

胡介眉暗舟

西泠消寒集

無錫秦澹如先生選定

同治辛未

第一集長至後一日飲江氏夢花草堂卽事

梅振宗

今雨舊雨衝寒來欲放未放官閣梅凍雲壓檐月無色
彩筆出懷花自開畫師不讓三絕鄭詞客亦媿七發枚
相逢痛飲且須醉莫管更鼓街頭催

江順詒

西泠消寒集

卷上

一

雪意冷壓山龍綻冰花脆玉吹玲瓏高吟滿座聲隆隆
德星燭霄光如虹寒梅信到詩思發居然鼎鼎來諸公
雲夢八九吞心胸手攀扶桑日再中天地無色妙手空
筆底春奪造化功東海宦跡漂萍蓬陽生一夕來春風
草堂闌處傷孤鴻何期空谷足音楚劇談高論曠發矇
使我才盡迴龍鍾

第二集太虛樓遠眺以晚來天欲雪能飲一杯無分韻

王仰曾分得無字

十里湖光匹練鋪丹林葉脫帶霜枯風傳鐘鼓湖聲急



日落江山鴈影孤茅屋石田寒荷鋪暖窗小閣醉圍鑪
凍雲不散林容沍詩思梅邊問有無

白驥良分得來字

朝暎射凍天容開爨雲驚覺巖光回憑虛樓閣支崔嵬
乾坤眼底空徘徊風鳴古木轟春雷翻鴉亂踏殘葉堆
招朋携榼斟金壘清談促膝燃麝煤詞源倒峽相調詼
玉山四座同傾頽豪情逸興凌九垓飲酣說劍還猜枚
文章聲價誇蓬萊五斗酒澆八斗才珠璣錯落雲錦裁
詩成不煩銅鉢催處士茅亭多野梅仙翁丹竈封蒼苔
西泠消寒集 卷上

二

逋仙葛仙安在哉神明但化俱劫灰願醉中山千日醅
休論燕市黃金臺高軒駟馬輕塵埃此邦名勝昔所推
藝林風雅欣追陪行樂及時萬妙該吏隱何必歸去來
鄧之鏌分得晚字

主人載酒興不淺衝寒招客猶折簡猛風吹我登吳山
中有太虛之樓館君學何曾食萬錢我爲盧仝歌七盃
有客臨觴氣吐虹謂我不飲宜自勉凌高忽作聲咳聲
已聽音響答嵩峴開牕指示天地寬茫茫若把畫圖展
山光侵座氣欲凝胸中冰雪十分滿層巒條起蒼蒼雲

天意不飽詩人眼朔風潛烈萬里來摧殘霜葉疑刀翦
欲雪未雪生重陰中酒如服五石散地爐熾火青無光
白狐之裘何足暖去年此日正行役雨雪載塗歸期緩
衝寒選勝將幽探冥索煙霞豈辭遠况茲山水天下佳
逸興閒情得所遣相交詞伯復詩豪放懷各抒平生蘊
研冰磨墨春意生苦吟得句轉迢緊乘興聊復發長謠
不知歸去山色晚城南日暮車馬喧辜負梅花人不管
第三集詠物用漁洋秋柳韻

王仰曾

西泠消寒集

卷上

三

寒雞

更籌隱隱暗銷魂霜雪蓬廬冷掩門砧杵催殘春有夢
關山啼斷月無痕半肩行李青旗店數點羈星黃葉村
蹴被不堪中夜起壯心此際向誰論

寒鴉

江天月落曉嘒霜木葉蕭蕭脫野塘流水板橋低酒旆
暮潮沙岸沒漁箱琴書冷驛孤篷客鐘鼓空山古刹王
最是夕陽紅欲墜西風一片亂村坊

寒鴈

玉關寒到尙無衣清角霜笳景已非故國河山征轡老
長天風雪尺書稀碓催白帝聲何急客過衡陽夢欲飛
消息不堪搔首問江南塞北兩相違

寒鷹

黃沙衰草動人憐青塚胡笳咽暮烟霜纛風高餘落日
弓衣寒壓未裝棉冰天絕域羈歸使金勒長安憶少年
秋盡平林都鍛羽渭城一騎去無邊

江順詒

寒雞

西泠消寒集

卷上

四

霜夢驚回欲斷魂孤燈漏永閉柴門紙窗談罷夜無伴
茅店聲高月有痕幾輩寒酸空起舞三家零落自成村
深宵風雨人何處催箭傳籌事莫論

寒鴉

吳宮秋老又啼霜幾陣低飛掠野塘滅没片帆迷故國
淒涼團扇屐空箱雪堆翠鬢憐爲客月冷烏衣憶姓王
萬縷垂楊終古在夜樓休近永豐坊

寒鴈

音書未到况寒衣萬里關山是也非卒歲稻梁隨分易

驚天文字解人稀
長途木葉經霜瘦
曉夢蘆花帶雪飛
省識向陽枝最好
孤征偏與素心違

寒鷹

縱饑豈肯受人憐
攫影隨風上野烟
玉爪金眸才卓犖
黃沙白草恨纏綿
盤空凍羽超凡輩
出塞尖風憶少年
狐兔縱橫霜滿野
養成精銳好箠邊

白驥良

寒雞

五更殘柝斷征魂
屋角聲高月挂門
人語燈昏茅店影
西冷消寒集

卷上

五

馬蹶霜沒板橋痕
關山冷落中宵夢
風雨棲遲何處村
倦擁布衾呼未起
壯心回首不堪論

寒鴉

呼侶啞啞警曉霜
翻飛亂點下橫塘
鵲枝可借茅鋪屋
牛背歸來稻滿箱
掠陣趨風軍號李
臨池呵凍墨塗王
昭陽日影承恩早
寶髻新粧鬪教坊

寒鴈

來時別夢冷烏衣
泥爪東西跡已非
水落沙明清飲聚
天高風急斷行稀
聲隨柔櫓波遙答
陣入叢蘆雪亂飛

極目江湖正寥廓鄉書未達寸心違

寒鷹

饑來亦解受人憐刷羽斜陽閃夕煙樹禿空山風激箭
草枯平野雪鋪綿肯舒金距從凡鳥好養蒼毛度暮年
側目霜天矜一擊飛鵬隨向斷雲邊

梅振宗

寒雞

板橋茅店警詩魂殘葉蕭蕭自打門孤燭圍爐聞夜語
霜天吹角驗潮痕悲風逋客重關路落月行人老樹村
西冷消寒集 卷上

六

獨有琅邪城畔景冷煙荒埭不堪論

寒鴉

月落寒山一夜霜吳宮舊夢散迴塘聲驚野戍橫吹角
影接田車懶服箱青髯凋零悲客子玉顏憔悴怨君王
垂楊終古無情甚莫問揚州舊酒坊

寒鴈

九邊霜力透弓衣客到江南景物非木落玉關秋色冷
波消衡浦遠書稀一行斜字因風起萬里征程帶雪飛
淒絕漢臣歸未得收瓶冰窖久相違

寒鷹

健才似爾亦堪憐
鐵翅盤雲破野煙
醉尉呼風頻落帽
獵兒衝雪不衣綿
留將冷眼觀今日
賸得雄心慰暮年
寄語茂陵豪俠客
斜陽衰草正無邊

第四集以書味畫意詩情劍氣命題各賦七言律四首

江順詒

萬卷撐腸拄腹奇
此中甘苦幾人知
列單下箸庚陳日
讀史添肴卯飲時
紅袖香中多秀色
青燈影裏最相思
英華祇許含咀得
嚼蠟何如沒字碑

書味

西泠消寒集

卷上

七

聲詩誰繼右丞風
水墨橫陳自不同
幾曲溪流蹊徑外
萬重山色有無中
將軍金碧開生面
高士文章奪化工
好向此間叅妙諦
淵微禪理許相通

畫意

撚斷吟髭定幾莖
果然名士悅傾城
水流花謝春常在
地老天荒恨未平
涕泣何妨成七步
纏綿休自誤三生
性靈語豈抄書得
江上峯青子細評

詩情

淒涼風雨鬱難伸
電掣風馳未肯馴
萬丈長虹騰碧落
兩條秋水躍延津
恩仇血但酬知己
生死心堪託故人
有志干霄誰識得
古今同恨總埋塵

劍氣

白驥良

酸鹹以外細評量坐擁青氈古趣長佳茗回甘人問字
寒燈助苦壁分光澆來濁酒腸都潤嚼得梅花口自香
三食若教仙可化願爲脈望亦何妨

書味

天涯芳草黯消魂絕代風騷溯澧沅索向茅檐梅共笑
敲來驢背月無痕渭城春柳人千里江上青山酒一樽
半榻茶煙風定後落花流水已忘言

詩情

梅振宗

十年燈影夜窗南領畧微言助興酣落落不沾寒士氣

西泠消寒集

卷上

八

津津如其古人談方搜厨內傳薪苦境悟盤中諫果甘
卻笑蠹魚貪飽食酸鹹一世未曾諳

書味

翛然未盡轉幽然無限詩情在輞川落葉寒鴉秋塞路
柳塘春水夕陽船分明神韻來絃外團聚精靈在筆先
好是會心原不遠揮毫落紙卽雲煙

畫意

古意遙思觸景成深深一往話平生酸鹹以外有真味
哀怨之中留正聲暮雨聞歌紅豆里春風作客綠楊城
傷心最是汪倫別潭水桃花送我行

詩情

五花璀璨照芙蓉迸作珠光萬萬重山勢凌雲朝踞虎

江聲噴雨夜飛龍
遠求神物須雷煥
太露英才惜李邕
我有浩然能善養
與君相鬪僅詞鋒

劍氣

鄧之鏖

聊將糟粕細評量
風雨挑燈展卷忙
入口梅花香欲冷
堆盤諫果味尤長
屢憎簡蠹貪無厭
多嚙丸熊苦亦忘
更感古人時餉我
百家餽饌并兼嘗

書味

一幅生綃路淺灣
斷橋流水落花閒
安來几硯時拈筆
徙倚樓窗又看山
黃葉滿階僧獨立
夕陽遍野鳥雙還
是誰描寫王摩詰
更把新詩脫稿刪

畫意

西泠消寒集

卷上

九

憑欄無限觸詩情
雲樹依依別緒縈
南浦送君魂欲斷
西湖作客眼尤明
梅花遠寄人千里
春草初生夢五更
別有風懷言外得
幾回落筆鬼神驚

詩情

戎馬歸來爵未封
又同壯士感遭逢
魚腸出匣先寒膽
牛斗當天不掩鋒
半世豐城甘屈蠖
一時淺瀨見升龍
酒酣閒倚闌干看
影落寒雲第幾重

劍氣

第五集分韻詠雪影限五言長律二十韻

江順詒得十三覃

琉璃開世界冷眼舊曾諳
豈有形神問居然色相叅
似

穿珠一一早失徑三三杯喜斟新綠天疑隔蔚藍蝶魂
依遠砌鶴夢醒空潭生白留殘照橫青抹晚嵐朔風來
塞北霽色憶終南翦水明波活措雲皎鏡涵寒棲迷鳥
揀冷暖誤魚貪光曉凝書幌燈殘對佛龕泥痕歸雁失
詩思蹇驢擔漁火孤舟認龍眠妙筆慙訪梅人獨往飄
絮我何堪映樹仍吹玉開花亦現曇避煙茶正熟邀月
酒方酣柳往懷征騎蘆飛覓野菴帆從遙浦没香隔斷
橋探閉戶瓊誰報圍爐屑共談冰心雖可鑑疏鬢不勝
簪盼到陽回暖瑤情脈脈含

西泠消寒集

卷上

十

白驥良得四豪

世界如銀爛洪鈞戲冶陶空中參相幻物外息塵勞縹
緲雲盤鶴氳氳海駕鼇傳神摹月鏡隨意連風刀舞妙
蓮翻錦歌酣劍解韜照波憐倩女捉絮笑兒曹字朗書
堪映茶香火細熬樓光依水近峯勢接天高徑爲尋袁
掃舟因訪戴毫跡穿東郭履花滿侍臣袍紈素描新本玻
璃醉濁醪房深圍繡幄室靜剔蘭膏斷岸稀行旅華堂
集俊髦板橋驢得得荻港雁啾啾曲和陽春寡詩吟白

戰豪形單人自弔鬢禿首頻搔瑞象欣先兆清時未易
遭布衾寒獨擁萬事等鴻毛

梅振宗得十四鹽

擬倩琉璃筆傳神上畫縑飛花飛絮裏是色是空兼浙
瀝侵書幌徘徊傍綺檐對疑明月皎捉耐朔風尖低拂
鬢捎蝶回翔翼比鷓有聲隨逝水無語入重簾清焚寒
梅倚芳容弱草黏幻憑羅漢悟憐惹美人嫌隔牖燈臨
几當窗鏡啟奩白描欣絕世素抱畏趨炎淨或參金粟
輕還撒玉鹽現身千絡綴撫髻幾絲添我已形慚穢君

西泠消寒集

卷上

十一

徧勢轉巖遠搖塵目眩斜顧舞腰纖眠石偎山竹沉波
壓渚兼瓊鋪虛室冷衾戀睡鄉甜恰喜吟情健剛逢酒
價廉浮生終日託險韻聚星拈戶戶歌頻和亭亭氣自
恬只愁張子野鬪句遜蘇髯

第六集咏西湖古蹟

梅振宗

西溪訪雪

垂虹橋外波如練一夜西風落晴霞隔浦微聞欸乃聲
月色迷茫人不見曲徑彎環煙水濱風標公子最相親

閒游半是尋秋客莫誤寒宵訪戴人

虎跑品泉

濤聲激吹茶煙靜一盞玻璃碧於鏡翠合松篁人影涼
習習微風入清聽活火初溫蠲眼生十年雪爪悟淨名
出山不比在山好只有詩腸似爾清

岳墳奠酒

獄成三字風波苦痛飲不入黃龍府淚灑南枝七百年
有酒還澆趙家土悲風颯颯護英靈劫火湖山幾度經
淒絕年年寒食節誰持麥飯哭冬青

西泠消寒集

卷上

三

天竺禮佛

琳宮峩峩峙山曲蓮花繞座香烟綠越客吳孃膜拜來
祈得平安更祈福小人有母霜髻垂念年寄跡湖山湄
不求人世難償願但乞慈雲永護持

第七集詠諸葛銅鼓用昌黎石鼓歌韻爲劉拙菴作

白驢良

劉君耽詩復好奇搜括古器徵爲歌諸葛聲名大宇宙
落筆其奈銅鼓何漢室凌夷勢分鼎南蠻梗化揮干戈
渡瀘深入備戰具鎔金鑄鼓功不磨一鼓鼙鼙作士氣

計操擒縱收網羅蠻民效順不復叛蜀中偉績爭嵯峨
奮力中原先絕域恩酬三顧南陽阿物以人名自不朽
知有神鬼相護呵土花剝落顏色古造成大匠非傳訛
拂拭苔紋辨年月惜無文字垂蚪蚪一擊能令鼙鼓振
響應巖谷來鳴鼉此時聞聲尙色動况復當年操斧柯
滄桑變易世代改乾坤俯仰如拋梭若使指揮并吳魏
廟廊鳴盛颺委蛇摒迹塵沙歷歲久光騰月鏡明素娥
霜雪侵融蝕蠹蠹風雨噴薄傾滂沱方今海內樂平晏
豐年擊鼓謳時和簪紱諸公輔聖治聲教洋溢崇文科

西泠消寒集

卷上

三

銷兵毀劍鑄農器世存此鼓知無多丞相祠堂惟古柏
漢宮荆棘埋銅駝怪哉珍藏有此物把酒欣賞時相過
我輩好古已成癖尊彝鐘鼎同切磋昆明銅盤荒漢武
交趾銅柱標伏波此鼓去今已千載四圍完好無偏頗
遙想忠誠始製作集思盡瘁矢靡他傳爲疑兵置礪麓
時湮莫考徒媿媿誰能漁洋作三弄興酣擊節頻摩挲
君爲我鼓我起舞舞罷對酒猶吟哦刀鎗突出飛鐵騎
銜枚疾走驅鸛鷺子規啼月猿嘯峽蟲沙劫幻歸剎那
憶昔投筆踐戎馬封侯奇數增坎軻安得援桴建邊業

孰名砥礪威山河名物豈徒供玩好坐生髀肉嗟蹉跎
第八集擬古

江順詒

擬李義山燒香曲

花霧溟濛隔湘水主人延客驕不起銀蒜齊挂勞春葱
萬種氤氳入懷裏美人初見顏如花春風豆蔻嬌含葩
鵲尾新紅沉水凍欲吐未吐雙煙重餘霞散綺月昏黃
寸心徒熱空徬徨秋霜欺髻換殘綠憔悴粉華年促
芬芳已燼念俱灰委地紅消尋墜玉

西泠消寒集

卷上

齒

擬王仲初鏡聽詞

新紅尺八桃符換芳年欲盡今宵半黃金瀉水未分明
自將青鏡重摩玩裝入盤龍古錦囊竈前再拜蕤心香
不願銜書降青鳥且從司命獻黃羊六街更鼓喜寂靜
好語一聲聞吉祥得來佳兆歸家疾生怕人知翻秘密
天上芝草瑞當門懷內菱花光照室

擬張文昌吳宮怨

姑蘇臺上孤月白老烏夜啼聲悽惻苳蘿新進浣紗人
一時花草無顏色六宮目斷盼羊車西施正醉嬌無力

采香徑裏紅豆生英雄天子更多情茱萸垂紫芙蓉瘦
鼙鼓南來隔岸驚三千粉黛愁如水亂離幾個桃源裏
一舸鳴夷向五湖龍菴山色青猶時殿陛荆榛麋鹿游
傾城傾國甘心死

擬溫飛卿曉仙謠

銀漢倒瀉挂簷角海水搖星不肯落銅鉦突出東方東
赤霞碎暈琉璃薄瑤宮傳樂奏鈞天雙袖翩颺拂紫煙
千騎模糊鳳皇叫抱玉驚起嫦娥眠珮環壓背青鸞重
擲珠狡獪先承籠下視人寰縹緲問芳心一朵紅雲捧

西冷消寒集

卷上

五

白驥良

擬李義山燒香曲用原韻

鴛鴦錦帶雙玉魚雕欄掩映垂蝦鬚雪兒笑捧黃金鑪
輕颺廣袖翻紅蕖瑞靄氤氳蕪蘭炷瑤臺曾侍西王母
悔向塵寰種夙因柔絲欲效春蠶吐梨花院落易黃昏
滿地繁英深閉門細裊輕煙作心字閒愁一縷漾離魂
玲瓏繡闥通幽氣寂寞伊誰知此意鑪灰夜撥悄無言
斜背銀鉦思舊事明月階除等閒度下階拜月衣沾露

擬王仲初鏡聽詞用原韻

六

七

珍重粧臺合歡鏡聚時並影別時聽空閨終歲卜歸期
郎覓封侯謁明聖涼風拂拂吹裘帶盼斷音書心轉怪
夜深獨步避人知喁喁私語向神拜兒女癡情良可哀
何事征夫仍未回吉語初聞心暗喜街頭明月照歸來
抱鏡入房猜莫定繡奩寶匣自端正明日郎歸笑相見
與郎共展菱花面

擬張文昌吳宮怨用原韻

芙蓉竝頭照秋水錦禽比翼會雙死館娃相對鬢青蛾
坐損紅粧慵未起一自承恩入朱戶屈指韶華不可數

西泠消寒集

卷上

六

吳宮別有受恩人西施臺上酣歌舞濕盡羅巾玉箸垂
西風零亂好花枝空向金樽朝侍宴夜來還伴月明歸
那堪鹿走姑蘇地歡愁一旦同拋棄

擬温飛卿曉仙謠用原韻

五雲高聳蓬萊宮樓閣玲瓏憑太空扶桑海日正東上
瑞光萬道照脂紅珊瑚影拂鮫人淚瓊樹交柯巢翡翠
玉女梳頭傍玉盆青鳥飛還傳錦字俯瞰塵寰九點煙
天風浩蕩御飛仙人世光陰且復旦洞口桃花去杳然
晴霞散綺翔赤鳳雲璈曲奏笙簧弄曉箭頻催鷄唱三

驚回一覺遊仙夢

梅振宗

擬李義山燒香曲用原韻

蠶脂零落起蠹魚湘簾側雨穿花鬢薰籠香冷鵲尾爐
美人嬌靨開紅渠憶昔香煙化雙炷西望瑤池拜阿母
新粧艷倚琉璃屏碧水涼天月華吐西風夕起庭院昏
棗花墮紫敲長門明珠一斛不知數歌聲淒斷冰梅魂
分香遠帶漳蘭氣鄴水東流識君意浪說輕鹽灑竹枝
深宮傳出羊車事事去悲來春幾度荏苒宮花枝上露
西泠消寒集 卷上

七

擬王仲初鏡聽詞用原韻

雙鸞對舞芙蓉鏡生小驪歌未曾聽年年乞得並頭花
杯玢雙拋得陰聖今年北風緩衣帶郎去不歸良可怪
鏡影空隨明月圓下堦獨自燒香拜歲闌景促雨雪哀
懷鏡卜郎何日回六街夜靜逡巡去怕遇鄰家女伴來
吉語初聞心事定持鏡重看誤反正明年花發與郎見
更展菱花勻粉面

擬張文昌吳宮怨用原韻

芙蓉艷墮橫塘水西風入幕紅蠶死如花越女醉深宮

一點芳心捧不起銀缸
搖紅照當戶君恩斷絕向誰數
年少青娥不解愁
猶向宮中學歌舞金壺漏促淚暗垂
階前紅豆枯霜枝白紵歌闌夜已艾美人自伴君王歸
吁嗟乎苾蘿花開春滿地六宮粉黛長捐棄

擬溫飛卿曉仙謠用原韻

紺露絢彩蓬萊宮綠冰碾碎澄波空碧桃花開春滿地
湘煙細簇珍珠紅巫峯賦雨濺香淚瑤島蛾眉秋影翠
世人爭說楚襄王荒唐宋玉留文字五銖衣袂凌朝煙
散花遠度餐霞仙枯桑倒插東海涸悠悠塵世嗟胡然
西泠消寒集 卷上 六
百年邱貉判梟鳳惜哉半爲造物弄願入層城駕紫鸞
隔簾喚醒紅塵夢

第九集蘇東坡先生生日用雪齋韻

江順詒

七百年前生錦里時值羣蛙吠井底年年此日拜先生
手把一尊浮綠蟻圖傳笠屐懸當中前有宋公

綿津後

畢公

靈巖

詩人羣集各俯首有如萬笏朝嵩峯我輩萍

蓬聚吳越舉杯仍見當時月提倡風雅今誰人
瓣香但羨峨眉雪

梅振宗

懸弧壯志托萬里磨竭潛伏命宮底石火光陰七百年
春婆一夢槐安蟻神仙久住蓬萊中誰其腰笛來娛公
我有新詩發奇響光彩遠耀蛾眉峯明朝掛席度東越
乘風遠泛瓊樓月倒影更尋百東坡鴻爪微茫認殘雪
同日又雜詠歲事

鄧之錕

祭詩

腊物橫陳酒滿卮浪仙設祭補神思今宵祀典真新創
西泠消寒集

卷上

尤

異日吟魂可有知儘我推敲常得句爲君報答合留詞
一生辛苦憑誰說自祝來年有好詩

送窮

貧賤之交且莫論遣奴遠送出柴門舟車轉眼程千里
人鬼關心酒一樽且學昌黎留贈語豈同宋玉賦招魂
他年隔絕休相問願爾長忘舊主恩

第十集賦新春迎神曲

江順詒

摩空忽豎花旛綠明鏡一方甦凍玉乘虬驂鸞來東方

新年歡唱迎神曲
春人樂兮春風和
芳郊醜酒金叵羅
椒花晉銘辛夷笑
神欣且醉朱顏酡
水仙凌波嬌不起
仙袂輕飄霞佩紫
人間萬戶喜更新
天上安知有甲子
花信吹來第幾番
翩翩綵勝忽當門
青皇不老年依舊
綠髻驚霜人斷魂

梅振宗

靈之降兮東郊策文螭兮青旂碧雲兮冉冉遵廣路兮
迢迢擷辛夷兮山椒寒沉芷兮水渚孰蹇修兮元鳥舞
珠毳兮紛若雨吉日兮辰良楓丹兮荔黃羅椒盤兮酒
西冷消寒集 卷上 三
漿神其來格兮馨香鼉鼓兮振振鳳簫兮紛綸思公子
兮難具陳美人歸來兮情相親樺燭兮蕊蕊攢銀花兮
羅綺綠章兮夜焚和風扇兮神色喜願神如茶兮俾爾
福化爲膏雨兮穀我穀



